



Na osnovu člana 6. stav (6) Pravilnika o radu Društva a u skladu sa Odlukom o potrebi zapošljavanja broj: 01/D-01-51-5789/25 od 4.6.2025.godine, objavljuje se:

JAVNI OGLAS **za prijem radnika u radni odnos na neodređeno vrijeme**

Oglašava se prijem radnika u radni odnos na neodređeno vrijeme u Rudniku mrkog uglja „Kakanj“ d.o.o. Kakanj, kako slijedi:

POGON „BEGIĆI-BIŠTRANI“

Služba za proizvodnju

1. NK Radnik u jami 33 izvršioca
Kratak opis poslova radnog mjesta: Dužan je da se kod redovnog i vanrednog ulaska i izlaska iz jame prijave odgovornom licu na propisani način radi evidencije koja se mora voditi po rudarskim propisima. Obavezan je sa sobom nositi zaštitna sredstva i da ih u slučaju potrebe zna upotrijebiti na ispravan način. Treba da ima ispravan i potreban alat za obavljanje poslova i izvršenje planskih zadataka. Dužan je pripremiti sav potreban materijal za normalan rad na radilištu, pomaže kopaču u pojedinim fazama rada i vrši utovar iskopine.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu osnovnu školu, II

2. Rukovaoc gumenih i grabuljastih transporterera 49 izvršilaca
Kratak opis poslova: Lice koje rukuje grabuljastim i gumenim transporterom dužan je da na početku smjene pregleda ispravnost pogonskog stroja i svih ostalih uređaja, vidjeti da li je čisto oko pogonske glave i tek tada smije tražiti signal za pokretanje tj. puštanje u pogon. U slučaju nastalog bilo kakvog kvara na grabuljastom transporteru, dužan je odmah obavjestiti smjenskog bravara i dežurnog bravara koji moraju odmah pristupiti otklanjanju kvarova. Mora oprezno i konstantno pratiti materijal koji dolazi u grabuljaru, velike komade razbijati, a kamen po naređenju odstranjivati (za to vrijeme grabuljar mora zaustaviti).

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu osnovnu školu, II
- da su stručno osposobljeni za rukovanje gumenim i grabuljastim transporterima odnosno da imaju položen ispit radnog mjesta (Uvjerenje o završenoj obuci)

3. Stručni saradnik za poslove na proizvodnji 1 izvršilac
Kratak opis poslova: Radi na zadacima i poslovima iz domena jame, odnosno pripremi novih proizvodnih kapaciteta i eksploativnih ležišta, u tu svrhu analizira izvršenje planiranih zadataka i predlaže upravniku pogona adekvatne mjere. Najmanje tri puta sedmično obilazi jamski i vanjski dio pogona u cilju kontrole, preduzimanja mjera zaštite na radu i pravilnog vršenja radova, a u slučaju opasnosti dužan je preduzeti odgovarajuće mjere.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – rudarske struke,

- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

Služba za preradu i transport uglja

4. Rukovodilac službe1 izvršilac

Kratak opis poslova: Odgovoran je za cjelokupno funkcioniranje prijema, prerade i otpreme uglja. Donosi odluke o sprovođenju pojedinih zadataka ili vršenja, organizovanja i usklađivanja procesa rada proizvodnje, prerade uglja i otpreme uglja. Izdaje nalog za izvršavanje određenih poslova i zadataka nadzornicima smjene kao i ostalim radnicima po potrebi.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – rudarske, mašinske, tehnološke struke,
- da imaju najmanje 3 godine radnog iskustva u struci na istim ili sličnim poslovima nakon sticanja tražene stručne spreme.

5. Rukovaoci postrojenja transporta5 izvršilaca

Kratak opis poslova: Prije puštanja transportera u pogon, rukovaoc je dužan pregledati kompletno postrojenje i povratnu stanicu odvozne trake. Svakodnevno u smjeni u odnosu na plan dnevne proizvodnje i vanredna naređenja kontroliše specifičnu težinu suspenzije u koritima i istu upisuje u svoj dnevni izvještaj u cilju postizanja proizvodnje kvalitetnih asortimana. Neposredno kontrolišu i odgovorni su za ispravan rad tehnološkog procesa prerade uglja u pralištu od kote 8,5 do 36 m. Neprestano kontrolišu granulaciju rovnog uglja i prema istoj podešavaju kapacitete postrojenja, prate i evidentiraju dotrajnost postrojenja za preradu i na vrijeme izvještavaju pretpostavljene o potrebi vršenja remonta ili opravke postrojenja.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu osnovnu školu, II
- da su stručno osposobljeni za rukovanje postrojenjem transporta odnosno da imaju položen ispit radnog mjesta (Uvjerenje o završenoj obuci)
- da imaju najmanje 6 mjeseci radnog iskustva na istim ili sličnim poslovima

Služba za mašinske poslove

6. Dežurni bravar za postrojenja prerade uglja1 izvršilac

Kratak opis poslova: Vršiti izradu i popravak najjednostavnijih do najsloženijih dijelova sklopova, konstrukcija ili postrojenja prema radioničkom nacrtu, uzorku ili dogovoru sa pretpostavljenim. Ako radni zadatak izvodi sa grupom radnika dužan je izvršiti odgovarajuću pripremu materijala vezanu za posao koji će se obaviti. Odgovoran je za hitne intervencije tj. opravke, odnosno otklanjanje iznenada nastupjelih kvarova.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu-mašinske struke, III
- da imaju najmanje 6 mjeseci radnog iskustva na istim ili sličnim poslovima

POGON „VRTLIŠTE“

Služba za utovar, transport i odlaganje

7. Rukovaoc dampera 12 izvršilaca

Kratak opis poslova: Vršiti transport otkrivke na odlagališta ili druga mjesta koja mu odredi nadzornik smjene za utovar, transport i odlaganje uglja i otkrivke. Vršiti transport i drugih materijala po naređenju nadzornika smjene za utovar, transport i odlaganje uglja i otkrivke.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu-sve struke, IV/III
- da imaju najmanje 1 godinu radnog iskustva
- da su stručno osposobljeni za rukovanje damperom odnosno da imaju položen ispit radnog mjesta (Uvjerenje o završenoj obuci)

8. Rukovaoc hidrauličnog bagera5 izvršilaca

Kratak opis poslova: Rukuje bagerom i odgovoran je za pravilno rukovanje bagerom, prema uputstvima za rad i rukovanje bagerom. Vršiti iskop i utovar materijala bagerom, vodeći računa o tehničkim mogućnostima bagera. Obavezan je da prilikom utovara vodi računa o pravilnom rasporedu tereta i opterećenju vozila koje utovara, pri čemu mora uvažavati primjedbe vozača vozila.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu-sve struke, IV/III
- da imaju najmanje 6 mjeseci radnog iskustva na istim ili sličnim poslovima

9. Vozač vozila na prevozu uglja.....5 izvršilaca

Kratak opis poslova: Vršiti prijevoz uglja sa površinskog kopa do PPPiU. Vršiti prijevoz i drugih materijala po naređenju nadzornika smjene za utovar, transport i odlaganje uglja i otkrivke. Obavezan je vožnju prilagođavati saobraćajnim znacima, uslovima puta i vremenskim uslovima.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu-saobraćajna, III
- da imaju najmanje 6 mjeseci radnog iskustva na istim ili sličnim poslovima
- da imaju položen ispit za vozača „C“ kategorije

Služba za utovar, transport i klasiranje uglja

10. Stručni saradnik za željeznički transport.....1 izvršilac

Kratak opis poslova: Pravi godišnje i mjesečne planove u organizaciji dopreme i otpreme uglja željezničkim transportom na relaciji Vrtlište - Separacija. Sačinjava izvještaje o izvršenom prevozu uglja sa PK "Vrtlište", zapisnike o izvršenoj dopremi uglja iz drugih rudnika radi ispostavljanja faktura korisnicima rudničke infrastrukture, drugim željezničkim operatorima.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – željezničke struke,

11. Manevrista5 izvršilaca

Kratak opis poslova: Prije manevarskog kretanja uvjerava se da skretnice stoje u pravilnom položaju odnosno da dozvoljavaju slobodno manevrisanje. Prije manevarskog kretanja vrši kontrolu sredstava za usporavanje brzine na svom mjestu. Prije manevarskog kretanja uvjerava se da ručne papuče i druga šinska kočna sredstva budu uklonjena. Prije manevarskog kretanja uvjerava se da na kolosjecima utovara i istovara niko ne bude u zoni opasnosti. Vršiti zakvačivanje i otkvačivanje vozila. Vršiti zaustavljanje vozila pri manevri. Vršiti pratnju manevarskog sastava u stanici i u toku vožnje. Vršiti obezbjeđenje vozila od samopokretanja.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu osnovnu školu, II
- da imaju najmanje 6 mjeseci radnog iskustva na istim ili sličnim poslovima
- da imaju položen stručni ispit iz oblasti željezničkog saobraćaja

12. Radnik na klasiranju uglja5 izvršilaca

Kratak opis poslova: Tokom rada u smjeni odgovoran je za kvalitetno odstranjivanje jalovine iz uglja koje odstranjuje kroz za to predviđene otvore neposredno uz traku. Obavezan je da odstrani i ostale materijale koje pristižu sa ugljem, a posebno po aktiviranju zvučnog signala sa detektora metala, isti pronađu i odstrane u cilju zaštite drobilnog postrojenja (procedura opisana u uputstvu za rad za posmatrano radno mjesto).

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu osnovnu školu, II

Služba za održavanje osnovne opreme

13. Stručni saradnik za održavanje osnovne opreme 1 izvršilac

Kratak opis poslova: Odgovoran je za organizaciju i vršenje redovnih pregleda i servisa opreme, postrojenja i uređaja iz svog djelokruga rada. Učestvuje u izradi godišnjeg plana za nabavku sredstava

opreme i rezervnih dijelova, pokreće proceduru trebovanja rezervnih dijelova, materijala i opreme, i trebovanja za usluge trećih lica u održavanju. Sačinjava sedmični izvještaj i izvještaje po potrebi o problematici i stanju tehničke ispravnosti sredstava iz svog djelokruga rada.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240/180 – mašinske ili saobraćajne struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

14. Bravar za servisiranje i održavanje osnovne opreme3 izvršioca
Kratak opis poslova: Vršiti poslove vezane za održavanje osnovne opreme. Na početku smjene izvršiti vizuelni pregled i kontrolu svih mašina u radilištu i druge opreme iz svog djelokruga rada prema prioritetima. Obavezno prati rad mašina tokom prve smjene i uočene nedostatke prijavljuje i po mogućnosti iste otklanja.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, V/III
- da imaju najmanje 1 godinu radnog iskustva na istim ili sličnim poslovima

15. Automehaničar za servisiranje i održavanje osnovne opreme.....6 izvršilaca
Kratak opis poslova: Na početku smjene izvršiti vizuelni pregled i kontrolu svih mašina u radilištu i druge opreme iz svog djelokruga rada prema prioritetima. Obavezno prati rad mašina tokom prve smjene i uočene nedostatke prijavljuje i po mogućnosti iste otklanja. Na kraju prve smjene vrši ponovni pregled mašina i druge opreme, priprema istih za drugu smjenu.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, III
- da imaju najmanje 6 mjeseci radnog iskustva na istim ili sličnim poslovima

16. Podmazivač1 izvršilac
Kratak opis poslova: Na početku smjene izvršiti plansko podmazivanje sklopova i dopunu masti na damperskim jedinicama, građevinskim mašinama i vozilima javnog saobraćaja planiranih za rad prema prioritetima. Plansko podmazivanje mašina, dampera, vozila javnog saobraćaja i ostale opereme u remontnom centru i radilištu. Održavanje vakum pumpi, alata i opreme koji se koriste za podmazivanje.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- sve struke, IV/III/II
- da imaju najmanje 6 mjeseci radnog iskustva na istim ili sličnim poslovima

Služba za održavanje pomoćne opreme i klasirnice

17. Stručni saradnik za održavanje pomoćne opreme i klasirnice1 izvršilac
Kratak opis poslova: Obavezan je da najmanje tri puta sedmično obiđe radne prostore, radione i aktivnu mašinsku opremu na površinskom koku u cilju kontrole primjene propisanih mjera zaštite na radu, kontrole korištenja ličnih i kolektivnih zaštitnih sredstava, kontrole primjene izdanih uputstava za rad, kontrole vršenja propisanih pregleda i podmazivanja, utvrđivanja tehničke ispravnosti. Prati i analizira mikroklimatske uslove pojedinih radnih mjesta iz svog djelokruga rada i predlaže rješenja u cilju boljeg očuvanja zdravlja zaposlenog osoblja. Analizira svrsishodnost zaštitnih sredstava, opreme i alata iz svog djelokruga rada i predlaže rješenje u cilju bolje i efikasnije zaštite na radu.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/VI ECTS 180– mašinske struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

18. Bravar za održavanje vagona i lokomotiva1 izvršilac
Kratak opis poslova: Vršiti zamjenu kočionih papuča na lokomotivama i vagonima. Vršiti redovno podmazivanje lokomotiva, vagona i utovarivača. Vršiti zamjenu čeonih slavina i vazdušnih crijeva. Učestvuje u izvršenja malih servisa motora na lokomotivama i utovarivaču na 250ms i 500ms. Vršiti

otprašivanje ili zamjenu filtera haube lokomotiva i utovarivača. Vršiti sve bravarske poslove na vagonima (vrata, stepenice, rukohvati i drugo.)

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, III
- da imaju najmanje 1 godinu radnog iskustva na istim ili sličnim poslovima

19. Automehaničar za servisiranje i održavanje pomoćne opreme3 izvršioca
Kratak opis poslova: Na početku smjene izvršiti vizuelni pregled i kontrolu svih mašina u radilištu i druge opreme iz svog djelokruga rada prema prioritetima. Obavezno prati rad mašina tokom prve smjene i uočene nedostatke prijavljuje i po mogućnosti iste otklanja. Na kraju prve smjene vrši ponovni pregled mašina i druge opreme, priprema istih za drugu smjenu.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, III
- da imaju najmanje 6 mjeseci radnog iskustva na istim ili sličnim poslovima

Služba za elektro poslove

20. Stručni saradnik za elektro poslove..... 1 izvršilac
Kratak opis poslova: Izrađuje kontrolne proračun za el. mrežu. Analizira mjesečnu potrošnju el. energije. Učestvuje u izradi godišnjeg plana. Najmanje tri puta sedmično obilazi el. energetske objekte, postrojenja i instalacije, vrši pregled na licu mjesta tehničku dokumentaciju, uputstva, jednopolne šeme. Prati postojanje zaštitne opreme, šema i uputstava na VNP i TS.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/VI ECTS 180– elektro struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

21. Električar za pretovarni sistem.....1 izvršilac
Kratak opis poslova: Prije početka rada PPU postrojenja dužan je izvršiti vizuelnu kontrolu TL-1 i TL-2 i po završetku obavijestiti nadzornika smjene za elektro poslove i smjenskog nadzornika PPU i sistema o mogućnošću pokretanja PPU i sistema. Redovno se informisati o radu sistema o prethodnoj smjeni, te o eventualnim zastojevima, razlozima zastoja i stepenu otklonjenosti problema (knjiga smjenskih električara PPU i sistema), te po potrebi pristupiti nastavkuotklanjanja problema i o svemu obavijestiti nadzornika smjene za elektro poslove, te smjenskog nadzornika PPU i sistema.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- elektro struke, V/III
- da imaju najmanje 6 mjeseci radnog iskustva na istim ili sličnim poslovima.

22. Elektrotehničar za održavanje lokomotive1 izvršilac
Kratak opis poslova: Obavezno učestvuje u izvršenja malih servisa motora na lokomotivama na 250ms i 500ms. Obavezno vrši otprašivanje elektro i pneumatskog bloka na lokomotivama. Obavezno vrši otprašivanje elektronike u samoj kabini lokomotive.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- elektro struke, IV
- da imaju najmanje 1 godinu radnog iskustva na istim ili sličnim poslovima

Sektor za rudarske poslove

23. Stručni saradnik za rudarske poslove 1 izvršilac
Kratak opis poslova: Vodi i kontroliše evidenciju o količinama i kvalitetu uglja po smjenama, dnevno i mjesečno sa lokacijama eksploatacije uglja. Vodi i kontroliše evidenciju o količinama otkrivke po smjenama, dnevno i mjesečno sa lokacijama otkrivanja uglja. Vodi i kontroliše evidenciju izbušenih i adminiranih količina uglja i otkrivke po smjenama, dnevno i mjesečno sa lokacijama otkrivanja uglja. Vodi i kontroliše evidenciju proizvodnih parametara službe za utovar, transport i klasiranje uglja po smjenama, dnevno i mjesečno.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII ECTS 240– rudarske struke,

- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme

EJ „STRUČNE SLUŽBE“

Služba za geološke poslove

24. Stručni saradnik za geološke poslove u jami 1 izvršilac
 Kratak opis poslova: Proučava i vodi evidenciju o svim pojavama koje su vezane za hidrogeološke, geotektonske i strukturno-geološke prilike kao i za gasonosnosti ležišta. Izrađuje i objedinjava dokumentaciju o istražnim radovima i vrši prijem na istraživanju. Radi sve vrste geoloških karata i vrši detaljnu opservaciju jame. Izrađuje pojedine karakteristične profile u svrhu projektovanja i planiranja rudarskih radova. Obezbeđuje svu potrebnu geološku dokumentaciju za izradu rudarskih projekata i to: potrebne geološke profile, geološke i hidrogeološke i strukturne karte, rezultate prethodnih geoloških istraživanja, rezultate geomehaničkih i drugih ispitivanja. Vršiti uzrokovanje uglja i drugih vrsta stijena za potrebe ispitivanja.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – geološke struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme

Služba za finansije

25. Stručni saradnik za likvidaturu1 izvršilac
 Kratak opis poslova: Materijalne štete (eksproprijacija zemljišta, građevinskih objekata i ostalo), evidencija isplata kroz knjigu, provođenje kroz kartone, podnošenje mjesečnih pregleda za šefa i blagajnu, kopiranje dokaza za Pravnu službu, odnošenje naloga za isplatu preko banke, arhiviranje, saradnja sa knjigovodstvom i Pravnom službom, rad sa strankama.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 180 – ekonomske struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

26. Referent za finansijske poslove1 izvršilac
 Kratak opis poslova: Vodi posebnu evidenciju o sudskim nalogima i izvršenjima za dobavljače (blokada). Saradnja sa Pravnom službom oko rješavanja blokade po sudskom nalogu. Vršiti obradu naloga u funkciji naplate i plaćanja, vezano za banku kao što su virmansko plaćanje, nalozi, blokada transakcijskog računa. Vodi finansijski izvještaj o stanje svih transakcijskih računa.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- ekonomske struke, IV
- da imaju najmanje 6 mjeseci radnog iskustva na istim ili sličnim poslovima.

27. Referent za blagajničke poslove1 izvršilac
 Kratak opis poslova: Podizanje gotovine iz banaka, prijem pazara po svim osnovama, isplata gotovine na osnovu validne dokumentacije. Sastavlja izvještaj o blagajničkom poslovanju, brine o bezbjednosti finansijske dokumentacije. Izdavanje i kontrola spiskova abonetskih bonova, primanje pazara (bonovi) i pripremanje izvještaja. Unos nadnica u kontrolnu listu i preračun u sate (sedmično i mjesečno). Unos nadnica u ERP sistem.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- ekonomske struke, IV
- da imaju najmanje 6 mjeseci radnog iskustva na istim ili sličnim poslovima.

28. Referent za obračun.....1 izvršilac
 Kratak opis poslova: Unos dospjelih obustava za tekući obračunski mjesec. Obrada plaće, toplih obroka i ostalih naknada i arhiviranje istih, ažuriranje spiskova obračuna plaće. Obračun svih vrsta bolovanja, usaglašavanje spiskova bolovanja, doznaka i evidencionih listi, te praćenja zakonskih

promjena iz oblasti obračuna bolovanja, te rad i praćenje refundacije bolovanja u skladu sa Pravilnikom Zavoda zdravstvenog osiguranja.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- ekonomske struke, IV
- da imaju najmanje 6 mjeseci radnog iskustva na istim ili sličnim poslovima.

Služba za komercijalne poslove

29. Stručni saradnik za komercijalne poslove i realizaciju ugovora.....1 izvršilac

Kratak opis poslova: Obavlja prijem trebovanja, pregled stanja zaliha, prikupljanja ponuda i pokretanje narudžbi. Obavlja realizaciju narudžbe –ugovara prijem, sravnjenje i ovjeru računa, davanje naloga za plaćanje i vođenje indeksa cijena. Svakodnevno pismeno izvještava rukovodioca komercijalne službe o realizovanim trebovanjima. Vršiti korespondenciju sa dobavljačem (telefonski, telefaxom, pismima i dr.). Rješava reklamacije (kvantitativne, kvalitativne, kao i neusaglašenost cijena iz ponude sa fakturisanom cijenom).

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – ekonomske struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

30. Referent za komercijalne poslove i realizaciju ugovora1 izvršilac

Kratak opis poslova: Vodi pregovore sa dobavljačem o roku isporuke, cijeni i ostalim uslovima nabavke. Pribavlja i sređuje svu dokumentaciju potrebnu za nabavku opreme od profakture i odluke Direktora o kupovini, te opreme do plaćanja i preuzimanja iste od strane pogona ili Direkcije. Vodi stalnu brigu o rokovima isporuke ugovorenih roba i stalno urgira isporuku iste, pored telefonskih urgencija, obavezna je i pisana urgencija, a po potrebi i ličnom posjetom dobavljača ukoliko tako ocijeni Rukovodilac službe.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- ekonomske struke, IV
- da imaju najmanje 6 mjeseci radnog iskustva na istim ili sličnim poslovima.

31. Referent za prodaju i fakturisanje1 izvršilac

Kratak opis poslova: Kompletira prateću dokumentaciju koja je osnov za fakturisanje otpremnog uglja, prodalog materijala iz skladišta i usluga. Priprema fakture i odgovoran je za primjenu zakonske regulative iz oblasti poreza na promet proizvoda i usluga. Vodi brigu o urednom i ažurnom ispostavljanju faktura kupcima, a kopiju dostavlja Knjigovodstvenoj službi pridržavajući se potrebnih rokova. Vodi knjigu izlaznih faktura.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- ekonomske struke, IV
- da imaju najmanje 6 mjeseci radnog iskustva na istim ili sličnim poslovima.

32. Skladištar i viljuškarist1 izvršilac

Kratak opis poslova: Zaprima u skladište prispjelu robu kojom je zadužen na osnovu primke ulaza kojeg lično potpisuje. Rukovodi se kvalitetnim i kvantitativnim prijemom robe u skladište, te u spornim situacijama formira komisiju koja će izvršiti kontrolu prispjele robe i sačiniti zapisnik o stanju robe u pogledu kvaliteta i kvantiteta. Utovara materijal na osnovu uredno ovjerene doznake.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- sve struke, III
- da imaju najmanje 6 mjeseci radnog iskustva na istim ili sličnim poslovima.
- da su stručno osposobljeni za rukovanje viljuškarom odnosno da imaju položen ispit radnog mjesta (Uvjerenje o završenoj obuci).

Služba za pravne poslove

33. Stručni saradnik za pravne poslove i zastupanje.....1 izvršilac

Kratak opis poslova: Zastupanje Društva pred sudovima, organima uprave, državnim i drugim organima. Aktivnosti vezane za vansudska poravnanja-nagodba. Obavljanje pravnih-stručnih poslova

radi pokretanja postupka pred sudovima, organima uprave i drugim organima, kao i pravno-stručnih poslova pred sudovima i drugim organima po tužbama podnesenim od strane trećih lica i zaposlenika. Sačinjavanje tužbi, žalbi, revizija, apelacija i drugih potrebnih podnesaka u toku postupka. Predlaže pravna rješenja po pravnim pitanjima nadležnim rukovodiocima.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – pravne struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

Služba za opće poslove

34. Stručni saradnik za opće i normativne poslove,

kancelarijsko i arhivsko poslovanje.....1 izvršilac

Kratak opis poslova: Izrađuje nacрте normativnih akata (samostalno ili radi u komisijama), uključujući njihove izmjene i dopune. Izrađuje prečišćeni tekst normativnih akata, prvenstveno pravilnika i uputstava o kancelarijskom poslovanju, uputstava o vođenju voznog parka, arhiviranju. Izrađuje pojedinačne pravne akte. Prati i proučava zakone i normativne akte iz djelokruga Službe.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – pravne struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

35. Higijeničar.....1 izvršilac

Kratak opis poslova: Svakodnevno čisti i provjetrava prostorije i hodnike. Svakodnevno čisti kancelarije i prazni kante za smeće na kraju radnog dana. Redovno pere prozore, vrata, hodnike, sanitarne uređaje i prostore. Održava zelenilo u kancelarijama. Odgovara za čuvanje arhive i materijala u kancelarijama, te pazi da su vrata zaključana i svjetla ugašena.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu osnovnu školu, II

Služba za imovinske poslove

36. Stručni saradnik za imovinske poslove i zastupanje1 izvršilac

Kratak opis poslova: Priprema i koordiniranje izrade elaborata za utvrđivanje opšteg interesa. Priprema i koordiniranje poslova na donošenju rješenja o eksproprijaciji. Priprema i koordiniranje poslova na određivanju visine naknade pred nadležnim organima. Priprema i koordiniranje poslova za uknjižbu nekretnina u katastru i zemljišnim knjigama. Koordiniranje aktivnosti na utvrđivanju osnova i visine rudarskih šteta. Zastupanje Društva pred sudovima, organima uprave, državnim i drugim organima. Učestvuje u rješavanju imovinsko-pravnih poslova na nivou Društva.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/ECTS 240 – pravne struke,
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

Služba za zaštitu imovine i lica

37. Nadzornik za zaštitu imovine i lica1 izvršilac

Kratak opis poslova: Prati prisustvo na poslu uposlenika USZ i RMU Kakanj, osiguravajući njihovu usklađenost s radnim vremenom i zadacima. Prisustvo na uviđajnim radnjama. Prisustvuje uviđajnim radnjama izvršenim od strane MUP-a, te izrađuje izvještaj o izvršenim radnjama, čime osigurava tačnost i blagovremenost evidencije.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- sve struke, IV
- da imaju najmanje 1 godinu radnog iskustva u struci na istim ili sličnim poslovima nakon sticanja tražene stručne spreme.

RJ „ODRŽAVANJE“

Služba za elektro održavanje

38. Rukovodilac službe1 izvršilac
Kratak opis poslova: Neposredno vrši nadzor tehničke opremljenosti elektro službe pogona, postrojenja i uređaja o bitnim zapažanjima, dužan je upozoriti odgovorno lice u pogonu tj. Rukovodioca RJ Održavanje i u tom smislu davati prijedlog i stručna mišljenja na neposrednom rješenju. Dužan je sačinjavati mjesečne, polugodišnje i godišnje planove tekućeg i investicionog održavanja elektro energetskih postrojenja, te ostvarivati saradnju u okviru djelatnosti sa srodnim službama pogona i radnih jedinica RMU Kakanj.

Pored opštih uslova utvrđenih zakonom kandidati treba da ispunjavaju i posebne uslove i to:

- VSS – VII/VI ECTS 240 – elektro struke,
- da imaju najmanje 3 godine radnog iskustva u struci na istim ili sličnim poslovima nakon sticanja tražene stručne spreme,

39. Električar za održavanje elektro opreme3 izvršioca
Kratak opis poslova: Radi samostalno ili u grupi na poslovima revizije-remonta el. uređaja u „Ex“ izvedbi kao i ostalih el. uređaja u el. Radionici. U svom radu dužan je pridržavati se propisa za opravku „Ex“ uređaja i ostalih važećih tehničkih propisa iz date oblasti kao i primjene sredstava HTZ i poštivanje propisa na radu. Pri radu odgovoran je lično za poslove koje obavlja i za lica ako vodi grupu u obavljanju poslova transporta u radionici, premještanje el. uređaja i njihovog tehničkog remonta.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- elektro struke, V/IV/III
- da imaju najmanje 1 godinu radnog iskustva na istim ili sličnim poslovima.

40. Elektro-mehaničar1 izvršilac

Kratak opis poslova: Neposredno radi na održavanju tel. aparata i uređaja, kao i na održavanju telefonske kablovske mreže za potrebe preduzeća. Neposredno radi na opravci samostalno pri intervencijama, opravkama ili remontima na datim objektima ili uređajima. U svom radu koristi potrebni alat i isti pravilno upotrebljava, kao i vrši primjenu svih istih mjera za tu vrstu poslova.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- elektro struke, V/III
- da imaju najmanje 1 godinu radnog iskustva na istim ili sličnim poslovima.

41. Električar na održavanju trafo stanice i prenosa2 izvršioca

Kratak opis poslova: Radi u saradnji i po nalogu nadzornika za prenos električne energije i TS, otklanjanju i ugradnji svih elemenata i uređaja na trafo stanicama i objektima za prijenos el.energije kao što su dalekovodni 6 kV i 35 kV. Radi na opravci trafoa, akumulatorskih baterija, kompenzacija i svim elektro kvarovima na mehanizacijama 6 kV i 35 kV prekidača. Prati ispravnost uređaja za redovno i vanredno napajanje el.energijom preduzeća

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- elektro struke, V/III
- da imaju najmanje 1 godinu radnog iskustva na istim ili sličnim poslovima.

Služba za mašinsko održavanje

42. Bravar2 izvršioca

Kratak opis poslova: Radi samostalno ili u grupi na poslovima pregleda, održavanja i remonta uređaja. U svom radu dužan je pridržavati se uputstava i propisa za rad, ostalih važećih tehničkih propisa iz date oblasti kao i primjene sredstava HTZ i poštivanje propisa na radu. Pri radu dužan je koristiti sva pomagala i alat kao i voditi brigu o njegovoj pravilnoj upotrebi i ispravnosti istih.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, IV/III
- da imaju najmanje 6 mjeseci radnog iskustva na istim ili sličnim poslovima.

43. Tokar-metaloglodač1 izvršilac

Kratak opis poslova: Radi na tokarskom stroju i drugim strojevima mašinske obrade po naređenju poslovođe i brine o ispravnosti strojeva, te oštiri i održava potrebni alat i pribor. Na početku svake

smjene pregleda ulje i sistem za podmazivanje stroja, te tečnost za hlađenje. Dužnost tokara je da vrši izradu svih mašinskih dijelova koji su na tokarskom stroju i glodalici mogu izraditi prema radnom nalogu.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, V/III
- da imaju najmanje 1 godinu radnog iskustva na istim ili sličnim poslovima.

44. Zavarivač 5 izvršilaca

Kratak opis poslova: Radi na praćenju i kontroli pri zavarivanju polomljenih i dotrajalih dijelova. Odgovoran je za primjenu tehnologije pri zavarivanju koju odredi tehnolog. Određuje metod zavarivanja. Sa poslovođom predlaže raspored zavarivača na poslove shodno njihovoj stručnoj i fizičkoj sposobnosti.

Pored opštih uslova utvrđenih zakonom kandidati treba da ispunjavaju i posebne uslove i to:

- da imaju završenu srednju stručnu spremu- mašinske struke, V/III
- da imaju najmanje 1 godinu radnog iskustva na istim ili sličnim poslovima.

Kandidati su obavezni, uz potpisanu prijavu na Oglas sa kraćom biografijom, adresom stanovanja i brojem telefona te jasnom naznakom rednog broja i naziva radnog mjesta na koje se prijavljuju, dostaviti i:

1. diplomu o stečenoj stručnoj spremi koja se traži oglasom
2. svjedočanstvo o završenoj osnovnoj školi za radna mjesta pod rednim brojem 1, 2, 11, 12 i 35
3. dokaz o položenom traženom ispitu za radna mjesta za koja se taj uslov traži
4. dokaz o radnom iskustvu na istim ili sličnim poslovima. Pod radnim iskustvom podrazumijeva se iskustvo stečeno u radnom odnosu na neodređeno i određeno vrijeme, kao i iskustvo stečeno obavljanjem pripravničkog i volonterskog staža. Potvrde ili uvjerenja poslodavca ili poslodavaca kod kojih je kandidat radio ili radi, moraju biti precizna i detaljna, odnosno iste treba da sadrže podatke o nazivu radnog mjesta, stručnoj spremi koja se traži za to radno mjesto, pravni osnov radnog odnosa, opis poslova, preciziran period radnog angažovanja na navedenim poslovima, tako da se na osnovu ovih dokumenata može utvrditi da li je kandidat radio na poslovima za koje se traži radno iskustvo i koliko dugo, odnosno, da posjeduje traženo radno iskustvo **ili** Uvjerenje o činjenicama iz matične evidencije nadležne institucije za penzijsko i invalidsko osiguranje **ili** uvjerenje nadležne porezne uprave, uz obavezno dostavljanje potvrde u kojoj će šifre zanimanja iz uvjerenja biti razjašnjene, tako da se na osnovu ovih dokumenata može jasno utvrditi da li je i u kojem periodu kandidat radio na poslovima za koje se traži radno iskustvo, odnosno, da posjeduje traženo radno iskustvo.
5. Kopiju vozačke dozvole za radno mjesto pod rednim brojem 9.

Pored navedene dokumentacije:

- kandidati koji su demobilisani borci, članovi porodice šehida ili poginulih boraca, zatim kandidati koji imaju status ratnog vojnog invalida ili su član porodice ratnog vojnog invalida, trebaju dostaviti dokaz o navedenoj činjenici u skladu sa propisima kojima se reguliše oblast boračko-invalidske zaštite.
- kandidati koji su nezaposleni, trebaju dostaviti potvrdu o navedenoj činjenici izdatu od strane nadležne Službe za zapošljavanje - ne stariju od 30 dana.

Kandidati koji se prijavljuju na više radnih mjesta podnose prijavu za svako radno mjesto pojedinačno i uz svaku prijavu dostavljaju traženu dokumentaciju.

RMU može u svakoj fazi konkursne procedure zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu RMU za provjeru izvornosti dostavljenih dokumenata, bit će isključen iz dalje konkursne procedure.

Neblagovremene, neuredne, nepotpune te prijave koje su kandidati pismeno povukli, neće se uzeti u razmatranje.

Kandidati koji budu ispunjavali uslove navedene Oglasom za radna mjesta pod rednim brojevima: 1, 2, 5, 6, 7, 8, 9, 11, 12, 14, 15, 16, 18, 19, 21, 22, 26, 27, 28, 30, 31, 32, 35, 37, 39, 40, 41, 42, 43, 44 i koji budu dostavili traženu dokumentaciju, biti će pozvani na usmeni ispit.

Kandidati koji ne pristupe usmenom ispitu gube pravo učesća u daljoj oglasnoj proceduri, odnosno smatra se da odustaju od podnesene prijave.

Kandidati koji budu ispunjavali uslove navedene Oglasom za radna mjesta pod rednim brojem 3, 4, 10, 13, 17, 20, 23, 24, 25, 29, 33, 34, 36, 38 i koji budu dostavili traženu dokumentaciju, pristupit će pismenoj i usmenoj provjeri znanja. Samo oni kandidati koji uspješno polože pismeni dio ispita biti će pozvani na usmeni ispit.

O mjestu i vremenu održavanja ispita kandidati će biti blagovremeno obaviješteni.

Kandidati koji budu izabrani, prije zaključivanja ugovora o radu, biti će upućeni na ljekarski pregled kod nadležne zdravstvene ustanove radi utvrđivanja zdravstvenog stanja i radne sposobnosti za obavljanje poslova radnog mjesta na koje su izabrani.

Priložena dokumentacija se neće vraćati kandidatima.

Oglas ostaje otvoren 8 (osam) dana od dana objavljivanja u dnevnim novinama.

Prijave na oglas dostaviti neposredno u zatvorenoj koverti na protokol Direkcije Rudnika

Kakanj ili putem pošte-preporučeno, sa naznakom:

„PRIJAVA NA JAVNI OGLAS ZA RADNO MJESTO POD REDNIM BROJEM __ ,

_____— NE OTVARATI“

(navesti naziv radnog mjesta)

Na adresu:

RMU „Kakanj“ d.o.o. Kakanj

Ul. Alije Izetbegovića broj: 17

72240 Kakanj

Na koverti obavezno navesti ime, prezime i adresu stanovanja kandidata.

Prijave na protokol se zaprimaju radnim danom ponedjeljak-petak u periodu od 07:00 do 15:30 kao i u subotu 14.6.2025.godine do 15.30 sati.